

**Faruk Selmanović**  
**Zastupnik u Skupštini Kantona Sarajevo**

**Bosna i Hercegovina**  
**Federacija Bosne i Hereegovine**  
**Kanton Sarajevo**  
**Skupština Kantona Sarajevo**  
**n/r predsjedavajući Skupštine Kantona Sarajevo**

**Uputiti: Vladi Kantona Sarajevo i Ministarstvu za odgoj i obrazovanje Kantona Sarajevo**

## **PREDMET: INICIJATIVA**

Poštovani,

Na osnovu člana 106. Poslovnika Skupštine Kantona Sarajevo ("Službene novine Kantona Sarajevo", broj: 41/12, 15/13, 47/13, 47/15, 48/16), upućujem inicijativu Vladi Kantona Sarajevo i Ministarstvu za odgoj i obrazovanje Kantona Sarajevo, da Skupštini Kantona Sarajevo, dostave Izvještaj o realizaciji Posebnog programa Vlade Kantona Sarajevo za unapređenje inkluzije u Kantonu Sarajevo, sa Informacijom o stanju i radu pet centara koji se bave odgojem i obrazovanjem djece sa poteškoćama u razvoju u Kantonu Sarajevo, te da nakon toga organiziraju posebnu tematsku sjednicu.

### **Obrazloženje**

Djeca s poteškoćama u razvoju i njihove porodice jedna su od najugroženijih i najdiskriminisanih društvenih skupina. Višestruki su razlozi i faktori koji dovode do takve situacije u praksi. Ono što se posebno ističe su predrasude koje društvo u cjelini, pa tako i pojedinci imaju spram djece s poteškoćama u razvoju. To nam ukazuje da je potrebno mnogo truda uložiti prvenstveno u obrazovanje i edukaciju kako bi kroz bolje upoznavanje i shvatanje pripadnika ove populacije dovelo i do boljeg prihvatanja različitosti koja u ovom kontekstu najbolje opisuje djecu s poteškoćama u razvoju. Općenito informiranost zajednice o problemima s kojima se susreću pripadnici ove populacije nije na zadovoljavajućem nivou i potrebno je još svakodnevno ulagati napore kako bi se to promijenilo. To je prvi korak i polazna osnova za suzbijanje diskriminacije spram djece s poteškoćama u razvoju. Drugi korak, ništa manje bitan, je unapređenje zakonodavnog okvira u smislu donošenja boljeg i kvalitetnijeg.

S tim u vezi, Skupština Kantona Sarajevo, je 15.02.2022. godine održala V Tematsku sjednicu o inkluziji i odnosu Kantona Sarajevo, prema djeci sa poteškoćama i usvojila zaključak, na osnovu kojeg je Vlada Kantona Sarajevo Kantona Sarajevo, 14.4.2022. godine donjela Poseban program Vlade Kantona Sarajevo za unapređenje inkluzije u Kantonu Sarajevo i imenovala

radnu grupu za realizaciju i praćenje provedbe tih aktivnosti, koje su trebale biti osmišljene kroz interesorni pristup.

Obzirom, da do danas, Skupština Kantona Sarajevo, nije zaprimila Izvještaj o realizaciji Posebnog programa Vlade Kantona Sarajevo za interesorno unapređenje inkluzije u Kantonu Sarajevo, a da je u Prijedlogu Programa rada Skupštine za 2024. godinu, planirano usvajanje tri zakona iz oblasti odgoja i obrazovanja i to:

1. Zakon o odgoju i obrazovanju u osnovnoj i srednjoj školi u Kantonu Sarajevo
2. Zakon o predškolskom odgoju i obrazovanju u Kantonu Sarajevo
3. Zakon o dualnom obrazovanju u Kantonu Sarajevo

smatram, da je neophodno da Skupština Kantona Sarajevo, prije razmatranja navedenih zakona, bude upoznata sa realizacijom zaključka koji je donjela, Izvještajem o realizaciji Posebnog programa Vlade Kantona Sarajevo za interesorno unapređenje inkluzije u Kantonu Sarajevo i Informacijom o stanju i radu pet centara koji se bave odgojem i obrazovanjem djece sa poteškoćama u razvoju u Kantonu Sarajevo.

S poštovanjem,

Sarajevo, 29.12.2023.godine

Faruk Selmanović, Zastupnik u Skupštini Kantona Sarajevo